

Pošto se prvi put javljam, želim vs sve poselamiti i pozdraviti i zaželjeti uspješan rad. Ja se izvinjavam maloprijem možda propusti dobacivanja s mjesta ali svakako sa dobrom namjerom, ako je neophodno da se napravi pauza a da ne više od pola sale skupštinske je u hodniku i ne prati dešavanja. Ja bih danas uputila jednu inicijativu resornom ministarstvu za obrazovanje, nauku, kulturu i sport. Obzirom da je predviđena još jedna sjednica u toku ovog mjeseca, a na sljedećoj sjednici su dvije tačke koje mene interesuju ponajviše a tiču se obrazovanja, to su zakoni, Zakon o osnovnom obrazovanju i Zakon o srednjem obrazovanju. Povodom tih tačaka dnevnog reda koje su predviđene, obzirom da sam ja sada u fazi pripremanja amandmana na iste ja bih voljela da ministar sa svojim resornim ministarstvo zajedno sa Komisijom za obrazovanje i Komisijom za mlade naprave radni sastanak sa svim direktorima osnovnih i srednjih škola kao i sa pedagozima. Naravno kontekst samo radnog sastanka bi trebao da se razdvoji po oblastima, sastanak sa direktorima osnovnih škola i pedagozima i naravno posebno sastanak radni sa direktorima srednjih škola i pedagozima. Naravno u okviru zakonskom, jer mi znamo da amandmani se mogu dostaviti 3 dana pred sjednicu. Sastanak taj bi trebao da se održi puno ranije radi sami koncepta amandmana. Ja ovo govorim iz jednog prostog razloga. Ne želim doći na sjednicu da podnesem pojedine amandmane a da oni ne budu u konačnici korisni ni za djecu prije svega naravno ni za prosvjetne radnike institucije u kojoj se oni nalaze.